



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU **HRVATSKE STRANKA PRAVA BOSNE I HERCEGOVINE**

Broj: 03-07-6-391/18
Sarajevo, 11. juli 2019. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI	5
5.2 PREPORUKE	8

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske stranke prava Bosne i Hercegovine za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom finansijskog izvještaja za 2017. godine, utvrđeno je da je Hrvatska stranka prava Bosne i Hercegovine prekršila odredbe člana 4. stav (1), člana 5. stav (4), člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske stranke prava Bosne i Hercegovine za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Hrvatska stranka prava Bosne i Hercegovine finansirala se iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	
2.	Prilozi fizičkih lica (3-a)	0,00	
3.	Prilozi pravnih lica (3-b)	0,00	
4.	Prihodi od imovine (3-c)	0,00	
5.	Prihodi od dobiti preduzeća u vlasništvu političke stranke (3-d)	0,00	
6.	Prihodi od poklona (3-e)	0,00	
7.	Prihodi iz budžeta (3-f)	89.384,93	100,00
8.	Prihodi od propagande (3-g)	0,00	
I	Ukupni prihodi (1-8)	89.384,93	100,00
II	Ostali prihodi i drugo	0,00	
	Izvori finansiranja (I+II)	89.384,93	100,00

U godišnjem finansijskom izvještaju stranka je iskazala rashode u ukupnom iznosu od 62.545,23 KM.

2. PREDSTAVLJANJE POLITIČKE STRANKE

Naziv političke stranke: Hrvatska stranka prava Bosne i Hercegovine. Skraćeni naziv stranke je HSP BiH.

Stranka je registrovana 05.05.2004. godine kod Kantonalnog suda Kantona 10 u Livnu, Rješenjem broj: R-11/04, pod nazivom Hrvatska stranka prava Bosne i Hercegovine. Dana 03.06.2004. godine politička stranka je promijenila naziv u Hrvatsku stranku prava Bosne i Hercegovine – Đapić - dr. Jurišić. Rješenjem broj: R/7-07 od 24.07.2007. godine, stranka je upisana u registar kod Općinskog suda u Mostaru, a potom je uslijedilo nekoliko izmjena naziva stranke, sjedišta i osoba ovlaštenih za njeno predstavljanje i zastupanje. Rješenjem Općinskog suda u Mostaru, broj: R/3-11 od 21.02.2012. godine, upisano je udruživanje političkih stranaka Hrvatski demokršćani i Hrvatsko zajedništvo Herceg-Bosne u Hrvatsku stranku prava Bosne i Hercegovine. Rješenjem Općinskog suda u Mostaru, broj: R/6-16 od 02.06.2016. godine, upisana je promjena osoba ovlaštenih za predstavljanje i zastupanje stranke.

Sjedište stranke je u Mostaru, Kneza Mihajla Viševića Humskog 39¹.

¹ Hrvatska stranka prava Bosne i Hercegovine je obavijestila Centralnu izbornu komisiju Bosne i Hercegovine, aktom broj: P-108-09-03-17 od 09.03.2017. godine, da je privremeno sjedište stranke u Ljubuškom, A.Šimića Stube bb.

Lice ovlašteno za predstavljanje i zastupanje stranke je Stanko Primorac, predsjednik.
Lice ovlašteno za podnošenje finansijskih izvještaja za 2017. godinu je Branko Ćorluka.

Prema podacima iz godišnjeg finansijskog izvještaja za 2017. godinu, Hrvatska stranka prava Bosne i Hercegovine ima sljedeću organizacionu strukturu:

- Središnji ured i
- Ured Brčko Distrikt.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske stranke prava Bosne i Hercegovine za 2017. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Hrvatske stranke prava Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled, kontrolu i reviziju finansijskih izvještaja Hrvatske stranke prava Bosne i Hercegovine u periodu od 2006. do 2016. godine, nakon kojih su izdati izvještaji o pregledu i reviziji sa mišljenjem revizora, nalazima i preporukama revizije.

Nakon izvršenog pregleda finansijskih izvještaja Hrvatske stranke prava Bosne i Hercegovine za 2016. godinu, izdat je izvještaj o pregledu, sa mišljenjem revizora, nalazima i preporukama stranci: da vodi poslovne knjige i podnosi finansijske izvještaje na način koji je utvrđen Zakonom o računovodstvu i reviziji FBiH, odnosno da uspostavi tačne evidencije o obavezama u svojim poslovnim knjigama, da finansijske izvještaje dostavlja u skladu sa rokovima propisanim Zakonom o finansiranju političkih stranaka i Izbornim zakonom Bosne i Hercegovine, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da izvrši usklađivanje obaveza sa dobavljačima i provede odgovarajuća knjiženja u poslovnim knjigama.

Nerealizovane preporuke:

Na osnovu uočenih nedostataka u godišnjem finansijskom izvještaju za 2017. godinu, utvrđeno je da Hrvatska stranka prava Bosne i Hercegovine nije ispoštovala sve preporuke.

5. NALAZI I PREPORUKE

5.1 NALAZI

a) Hrvatska stranka prava Bosne i Hercegovine je prekršila odredbe člana 4. stav (1) Zakona o finansiranju političkih stranaka².

Stranka je dostavila Program utroška sredstava za 2017. godinu u kojem je predvidjela ukupne troškove u iznosu od 125.000,00 KM.

² U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

Pregledom finansijskog izvještaja i finansijske dokumentacije utvrđeno je da je politička stranka sredstva u iznosu od 10.783,65 KM utrošila mimo svog finansijskog plana rashoda, odnosno programa utroška sredstava za 2017. godinu.

- Programom utroška sredstva stranka je planirala troškove zakupa u iznosu od 12.000,00 KM, a iste je ostvarila u iznosu od 22.783,65 KM, čime je planirani iznos prekoračila za 10.783,65 KM.

b) Hrvatska stranka prava Bosne i Hercegovine prekršila je odredbe člana 5. stav (4) Zakona o finansiranju političkih stranaka.³

Politička stranka nije uspostavila evidenciju u godišnjem finansijskom izvještaju i Godišnjem obračunu za 2017. godinu o nenovčanoj donaciji koju je ostvarila po osnovu besplatnog korištenja poslovnog prostora, čime je prekršila odredbe člana 5. stav (4) Zakona o finansiranju političkih stranaka.

Uvidom u Akt Općine Kupres broj: 02/2-142-2-568/18 od 09.04.2018. godine utvrđeno je da je stranka koristila prostor u vlasništvu općine, bez obaveze plaćanja zakupnine za korištenje prostora.

Politička stranka je korištenjem poslovnog prostora u vlasništvu općine, bez plaćanja zakupnine, primila nenovčanu donaciju, koju je imala obavezu da evidentira u poslovnim knjigama i finansijskom izvještaju za 2017. godinu.

c) Politička stranka je prekršila je odredbe član 11. stav (1) i člana 12. stav (1), stav (2) i stav (4) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i dodatne finansijske dokumentacije, utvrđeno je da Hrvatska stranka prava Bosne i Hercegovine nije tačno i pravilno evidentirala prihode i rashode, novčane tokove, nije u finansijskom izvještaju uključila koristi ostvarene od aktivnosti udruženja koje je povezano sa političkom strankom, i nije pravilno popunila obrasce godišnjeg finansijskog izvještaja, čime je prekršila odredbe člana 11. stav (1) i člana 12. stav (1), stav (2) i stav (4) Zakona o finansiranju političkih stranaka i odredbe Pravilnika o godišnjim finansijskim izvještajima političkih stranaka- u daljnjem tekstu: Pravilnik.

- (1) Stranka nije u poslovnim knjigama i finansijskom izvještaju evidentirala nenovčanu donaciju, koju je ostvarila korištenjem poslovnog prostora u Kupresu bez naknade, čime je prekršila odredbe člana 13. i 18. Pravilnika.

U poslovnim knjigama i finansijskom izvještaju, odnosno na obrascu 4.1 (Režijsko-administrativni i ostali troškovi) stranka nije iskazala ni troškove zakupa za poslovni prostor koji je koristila bez naknade, čime je prekršila odredbe člana 21. i 22. Pravilnika.

- (2) Stranka je u obrascu 2 (pregled svih transakcijskih računa) pogrešno iskazala podatke o transakcijskim računima Središnjeg ureda, čime je prekršila odredbe člana 11. Pravilnika.

- Kontrolom godišnjeg finansijskog izvještaja utvrđeno je da je stranka broj računa 1610250035400003, otvorenog u Raiffeisen banci, iskazala dva puta i za Središnji ured stranke i za ured stranke u Brčko distriktu BiH, ali sa različitim prometom.

- Promet koji je prijavila po transakcijskom računu Središnjeg ureda stranke, broj: 1610250035400003 odgovara prometu transakcijskog računa broj: 160200033710023 za koji je stranka dostavila izvode banke, na kojima je evidentiran sljedeći promet: stanje na dan

³ Političke partije dužne su da vode evidenciju o prijemu članarina i dobrovoljnih priloga, te da izdaju potvrde o prijemu članarina i dobrovoljnih priloga.

01.01.2017. u iznosu od 2.709,93 KM, ukupan promet ulaza u iznosu od 68.318,15 KM, ukupan promet izlaza u iznosu od 69.698,61 KM i stanje 31.12.2017. u iznosu od 1.329,47 KM.

(3) Kontrolom podataka o prihodima iz budžeta utvrđeno je da stranka nije u obrascu 3-f (prihodi iz budžeta) tačno iskazala prihode iz budžeta, čime je prekršila odredbe člana 19. Pravilnika.

- Stranka je kao prihod iz budžeta Zapadnohercegovačkog kantona iskazala iznos od 48.699,98 KM. Uvidom u finansijsku dokumentaciju i izvode sa transakcijskog računa, utvrđeno je da je u okviru ovog iznosa prihod koji je stranka ostvarila iz četiri kantona: Posavskog kantona u iznosu od 6.856,92 KM, Srednjobosanskog kantona u iznosu od 17.142,84 KM, Zapadnohercegovačkog kantona u iznosu od 18.000,00 KM, Hercegbosanskog kantona u iznosu od 4.000,00 KM i Općine Prozor Rama u iznosu od 2.700,00 KM, što ukupno 48.699,98 KM.

U skladu sa članom 19. Pravilnika, stranka je u obrascu 3-f trebala iskazati prihode za svaki kanton i općinu pojedinačno.

(4) Uvidom u ugovore o zakupu poslovnih prostora i poslovne knjige, utvrđeno je da stranka nije vodila pravilne evidencije o svojim rashodima, što za rezultat ima pogrešno iskazane podatke u obrascima rashoda godišnjeg finansijskog izvještaja, čime su prekršene odredbe člana 21. i 22. Pravilnika.

Stranka je u poslovnim knjigama evidentirala troškove zakupa poslovnih prostora koje je koristila u Mostaru u iznosu od 12.763,65 KM, Ljubuškom u iznosu od 8.900,00 KM, Travniku u iznosu od 1.120,00 KM, odnosno ukupno 22.783,65 KM.

- Uvidom u dodatnu dokumentaciju utvrđeno je da stranka troškove zakupa poslovnih prostora koje je koristila u Mostaru, Ljubuškom, i Travniku iskazala kao troškove zakupa poslovnog prostora Središnjeg ureda stranke, što je suprotno odredbama člana 7. i člana 21. Pravilnika.

Osim navedenog, utvrđeno je da stranka nije u poslovnim knjigama evidentirala i u godišnjem finansijskom izvještaju iskazala sve troškove zakupa poslovnih prostora.

- Prema podacima koje je dostavio Grad Široki Brijeg⁴, utvrđeno je da je Općinska organizacija HSP BiH Široki Brijeg koristila prostorije površine 60 m² uz obavezu da plaća zakupninu u iznosu od 1.200,00 KM godišnje. Služba za reviziju je utvrdila da stranka nije u poslovnim knjigama i godišnjem finansijskom izvještaju iskazala troškove zakupa, odnosno obaveze prema zakupodavcu.

(5) Politička stranka u finansijskom izvještaju nije prijavila kompletnu organizacionu strukturu. S obzirom da je koristila prostorije u Širokom Brijegu, Ljubuškom i Travniku, to ukazuje na činjenicu da Hrvatska stranka prava Bosne i Hercegovine ima organizacione dijelove, koje nije iskazala u obrascu 1-1 (teritorijalna organizacija političke stranke) godišnjeg finansijskog izvještaja, čime je prekršila odredbe člana 10. Pravilnika.

(6) Politička stranka u godišnjem finansijskom izvještaju nije uključila koristi ostvarene od aktivnosti udruženja „Hrvatski narodni sabor Bosne i Hercegovine“, koje je povezano sa političkom strankom, jer je stranka članica ovog udruženja⁵, čime je prekršila odredbe člana 12. stav (2) Zakona o finansiranju političkih stranaka.

⁴ Akt broj: 03-122/18 od 06.04.2018. godine.

⁵ Hrvatski narodni sabor Bosne i Hercegovine kao udruženje promoviše političke stranke i njene članove, učestvuje u provođenju izborne kampanje i kreira programe koji su bitni samo političkim strankama, članicama ovog udruženja.

d) Politička stranka prekršila je odredbe člana 12. stav (5) Zakona o finansiranju političkih stranaka.

Dana 28.03.2019. godine, Centralna izborna komisija BiH je političkoj stranci Hrvatska stranka prava Bosne i Hercegovine uputila Zahtjev za dostavljanje dodatne dokumentacije za 2017. godinu, kojim je od stranke, pored ostalog traženo da dostavi kopije izvoda sa transakcijskih računa u periodu od 01.01.2017. godine do 31.12.2017. godine.

- Hrvatska stranka prava Bosne i Hercegovine nije postupila u skladu sa zahtjevom Centralne izborne komisije BiH, odnosno nije dostavila izvode sa transakcijskog računa broj: 1610250035400003 i 16102503540003, otvorenih kod Raiffeisen Bank i blagajničku dokumentaciju po osnovu koje je ostvarila sljedeći promet gotovine: stanje na dan 01.01.2017. u visini od 493,60 KM, ukupan promet ulaza u iznosu od 37.650,00 KM, ukupan promet izlaza u u iznosu od 18.600,70 KM i stanje na dan 31.12.2017. godine u iznosu od 19.542,90 KM. Navedeni promet blagajne, te stanje gotovine u blagajni u iznosu od 19.542,90 KM ukazuje da stranka blagajničko poslovanje ne obavlja u skladu sa važećom uredbom o plaćanjima gotovim novcem.
- Stranka nije dostavila izvode sa transakcijskog računa broj: 3381302246903836, po kome je u finansijskom izvještaju prijavila promet: stanje na dan 01.01.2017. -39,98KM, ukupan promet ulaza u iznosu od 45.389,73KM, ukupan promet izlaza u iznosu od 45.389,73 KM i stanje na dan 31.12.2017. godine u iznosu od 4.148,46KM. Obzirom da politička stranka nije dostavila navedenu dokumentaciju, prekršila je odredbe člana 12. stav (5) Zakona o finansiranju političkih stranaka.

5.2 PREPORUKE

Preporučuje se Hrvatskoj stranci prava Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da finansijska sredstva koristi isključivo za ostvarivanje ciljeva utvrđenih svojim programom i statutom,***
- ***da vodi evidencije o prihodima, bez obzira na koji način ih ostvaruje,***
- ***da dostavlja dodatnu dokumentaciju koju od nje zatraži Centralna izborna komisija BiH,***
- ***da u finansijskom izvještaju iskaže koristi ostvarene od aktivnosti subjekata koji su na bilo koji način povezani sa strankom ili su pod njenom kontrolom,***
- ***da poslovne knjige vodi u skladu sa računovodstvenim propisima, odnosno da vodi pravilne evidencije o svojim prihodima i rashodima i***
- ***da finansijske izvještaje koje podnosi Centralnoj izornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.***

KOMENTAR

Politička stranka Hrvatska stranka prava Bosne i Hercegovine nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2017. godinu.

Revizor

Veliborka Kenjić

Pomoćnik revizora

Anela Burdžović Kapić

Šef Službe za reviziju

Mr.sc. Hasida Gušić